


泰山遊記

地 814
927



五


書
号
函 1 册
登录号 86736

泰山遊記

秦樹聲署

民國十年辛酉
春季刊印

泰山圖



泰山游記序

中國之山咸孕育葱嶺蜿蜒東走踰戈壁渡黃河岑嶸軒
舉蟠地際天最著者五嶽泰山其一也泰山矗岬於東海
上葱嶺中幹之脈至是而止其勢爲尤尊故孔子曰登東
山而小魯登泰山而小天下古帝王受命恒封泰山禪梁
父見於紀載者七十二家秦漢以降不與焉文人逸士探
奇選勝著之於文字更僕不可數予嘗西至崆峒度瀚海
陟天山矣張博望之鑿空班定遠之所威服與夫岷峨之
秀夔巫劍閣之險足跡幾徧泰山近在數百里間嘗望見

泰山游記

之顧不獲一登覽焉私心至以爲憾庚申春蘭泉偕黃哲
甫及兒子禹敷同游泰山游而筆其所得於書歸以示余
舉凡一石一岩一峯一泉與夫梵宮傑宇碑碣摩崖諸幽
渺荒怪之境靡不踵及而目擊之然猶以未登天柱峯觀
日出爲憾然視予之未獲一履其地其爲憾當更何如也
予又以歎天地之大造物之無盡藏其以跬步自封而詡
詡然自矜一得者其不爲蘭泉所笑者幾希矣予老矣腰
脚尙健春夏之際當遲子於天柱峯頭儻能同彌此憾也
乎庚申嘉平月新城王樹枏序

敘

予識蘭皋舊矣知其爲篤雅君子而未見其文民國辛酉
兩人共事四存學會蘭皋出所爲泰山遊記示余叙次沿
途風景及泰山名勝喬皇典麗洋洋近萬言傑作也泰山
跨禹貢青徐兗三州之境拔地倚天無所連屬與嵩華恒
衡之與他山相首尾者不同氣象尤爲尊嚴自元明定鼎
燕都齊魯之郊爲南北孔道冠蓋往來經由山麓近自汽
車通行朝發夕至旅京之士大夫遊岱者尤絡繹於途蘭
皋之遊亦猶夫人耳顧獨欲不虛此遊逐日而爲之記旁

泰山遊記

序

徵博引網羅宏富論斷兼史筆雕鏤具賦才使數百里山
川風土如指諸掌何其壯也昔姚姬傳遊泰山記僅舉長
城三谷及天門日觀諸名稱蘭皋則一碑碣一楹聯無不
詳載彼以簡老勝此以詳核勝譬之圖畫有寫意有工筆
異曲同工安見古今人不相及耶天下無易成之事韓昌
黎焚膏繼晷兀兀窮年用能起衰八代張平子爲三都賦
藩溷皆設紙筆傳世之文必艱難而後得之蘭皋爲國會
議員朋儔往來日不暇給恒於深夜讀書無稍間斷其作
記也亦苦心矜鍊匝月始成與昌黎平子殆無稍異甫經

脫稿都人士已快觀爭先將來紙貴洛陽必有奉爲遊覽
之先導者則以是篇爲泰山志可爲齊魯風土記亦無不
可言以足志文以足言於是知學問之不可一日緩也

民國十年四月林慮李見荃敘於都門四存學會農圃之
澹泊齋

泰山游記

序

二

泰山遊記



余少讀書家塾足跡不出里巷地無高山大川以激發其志氣然偶於塾內疊石鑿池植花種樹雖小小結構皆若有林泉間意年十一隨侍先大人宦游秦中過龍門出褒斜度嶠函瞻華嶽俯灞澹之清流覽中南之積雪於是始知天地間雄直瑰琦之氣其菁英所磅礴發而爲怪怪奇奇如是惜時尚幼又勞勞車馬間未獲登臨眺望以攬其勝則於山川之狀態亦不過略觀大意等諸過眼煙雲而已稍長從事帖括役役於功名由秦返豫而燕而遼而鄂

泰山遊記

一

而皖而滬雖道長半生以奔走衣食故亦未遑爲遊歷計也後承乏荆關樞務住山中者四年可以飽我游興矣顧濯濯者半屬童山令人一覽而盡且迭遭匪亂草木皆兵每值顛沛流離覺山石獷頑之氣不堪入目心隨境遷不其然乎庚申春僑寓京師王子仲英黃子哲甫邀余爲泰山之遊余以瑣事羈身恐不暇偕往也三月二十一日王子持刺來堅相約且卜明日啓行余躊躇再四因議院歲費累月不發而囊中所儲又被友人借貸大半幾有催租敗興之勢翌日王子親來敦促立命治裝適值賓客絡繹

匆匆出門忘携行囊比及車站始覺與王子輾然而笑回
取則迫於時間王子謂無煩顧慮因代購車票有頃家人
將囊來遂欣然登車晚七鐘到津寓法界中國旅館盥畢
偕訪哲甫於河工局不遇歸黃君旋亦來寓遂約定次日
同赴濟南

二十三日早黃君來棧膳畢十一鐘赴老龍頭站上火車
再駛往新站十二鐘開行是日晴而多風飛沙揚塵悶熱
殊甚路過青縣南皮轄境暨滄州德州一帶赤地彌望麥
苗絕少間有種者然亢旱日久亦焉萎難望有秋蓋自去

泰山游記

二

歲七月不雨迄今九閱月矣每至站貧民多隔柵欄乞錢
號呼聒耳凄不忍聞未知膺民社之責者能思所以安集
之否遠望綠樹村邊鸞帆高懸中流蕩漾時隱時現因憶
少時朝考北上由道口乘運河船卽出此途第曩者泛棹
鼓柁閱月乃至京師今則汽笛一鳴日踔千里回思前塵
苦樂大相懸殊而因時運之推移念世變之滄桑磨牛重
踐轉瞬三十餘年已成老翁又不禁感慨係之矣晚八鐘
過黃河橋見鵲山矗其北華不注峙其南黃流直瀉千里
橫貫其中雖夜色微茫辨認不真而於星霧瀰漫之中臨

流眺望固已氣象千萬也有頃至濟南車站住三馬路金
臺旅館飲食頗佳招待亦甚周到晚飯無事至萃賣場散
步遙聞笙歌鼎沸相與登樓品茗小座暢談移時歸因東
省有千佛山大明湖諸勝議小作勾留竭一日之力以暢
游興云

二十四日九鐘早起僱人力車遊千佛山山在南門外六
里許以山巔鑿佛像大小多尊故名或謂千佛卽仙祓二
字訛音取祓除不祥之意蓋地接省會上已游人於焉襍
飲因以名之耳車至山麓石子纍纍確犖殊不易行另易

泰山游記

三

二人肩輿稍上已見磴道盤空輿夫拾級以登率橫行作
郭索狀半山石坊題曰齊州點煙遙望山頂林木葱蒨古
刹上出雲霄綠樹紅牆掩映峯均盤陟三四折乃抵寺院
雛僧烹茗以進開軒臨風俯瞰歷城雉堞環繞煙樹萬家
歷歷在目北望黃河蜿蜒如帶華鵲二山屹峙左右亦天
然一形勝也周歷禪院於山根得龍泉洞洞曲而黝左有
積潭深碧莫測遊人率於此取飲下第一級便覺石氣陰
森不寒而慄王子復由右下行數武已窮奧窈洞故不甚
深邃也尋至後院石壁上多鐫詩句掃蕪讀之頗多佳者

仲英從寺僧乞紙筆浼哲甫讀授余錄之一題係道光庚子七月同湯樂民許熙亭挈林岱宇黃蓮卿二甥頤兒淳兒雨中憩千佛寺福州楊慶琛題詩云芋火燒殘茶夢蘇香禪能證木樨無地盤岱路生雲易天寫秋容潑墨粗草木知恩還長養雲煙過眼已模糊相逢難得元暉筆貌出僧房話雨圖又臘日過千佛寺云我不驚寒豈畏風拓開北牖瞰晴空平沙雪色千疇外大地煙痕一幃中曆下詩情懷杜叟西來禪意問支公誰家漏洩春光早暖舊梅花孕淺紅又古吳秋槎王文培題云秋煙秋樹鬱蒼蒼乘興

泰山游記

四

清游到上方三五僧棲高閣靜百千佛笑兩生狂烹茶香散諸天外潑墨詩留峭壁傍同聽鐘聲塵夢醒舊題痕已歎滄桑錄訖下山時已亭午過城內觀趵突泉至則敲擊肩摩游人甚衆按泉爲灤水發源處趙子昂詩云灤水發源天下無平地湧出白玉壺卽謂此也會南豐云趵突之泉冬溫泉旁之蔬甲經冬常榮故又謂之溫泉其注而北則謂之灤水以此泉自渴馬之崖潛流地中至此始出蓄之久故發之暴耳泉周圍石砌方池廣約半畝中有三泉噴溢直上距水面約二尺許跳浪濺珠汨汨有聲池中立

石碑三日趵突泉曰第一泉曰鳶飛魚躍北爲龍王殿南有亭爲游人憩息所內有梨花大鼓因小座淪茗泉極清冽味與玉泉山水可相伯仲也移時回棧呼湯餅充饑食之甚甘仲英哲甫謂余今竭一日之力欲探濟南三勝子其未可少怠飯後仍乘車至大明湖考水經注云灤水北爲大明湖西卽大明寺寺東北兩面側湖此水便成淨池也上有客亭左右楸桐負日俯仰目對魚鳥水木明瑟可謂濠梁之性物我無違矣今則衆泉匯注彌望浩淼面積約十餘里水勢直繞城東西北三面似較之水經注所云

泰山游記

五

闊大當倍昔時明李太宰裕謂湖占城內地三分之一良以此耳遂僱畫舫放乎中流見湖內分築小堤堤上植楊柳蘆葦爲界蒲抽似劍荷小如錢澄波蘸綠染人衣袂臨流俯視但覺天光雲影共我徘徊真疑春水船如天上坐也行未幾已見有亭翼然聳立水涘問之榜人卽厯下亭也斯亭當卽水經注所謂客亭蓋自少陵題詩在上亭遂並垂千古矣下船徐步見門外懸一聯卽係用杜詩海右此亭古濟南名士多二語亭上楹聯云宛在水中央有此翼然因自古句留湖一半未能拋却到如今客廳聯云風

雨送新涼看一派柳浪竹煙空翠染成摩詰畫湖山開晚
霽愛十分紅情綠意冷香飛上浣花詩又一聯云勝境畫
圖開憶杜老當年豪氣縱橫空北海酒痕襟袖在白杭州
到此風光明媚似西湖迴廊一聯云抱榭石泉流喜平分
人影衣香風月都教山水占憑欄魚鳥過觀四面柳塘蓮
激漁樵還讓鷺鷗來樓上聯云獨上高樓攬山色湖光勝
槩誰家畫舫正清歌美酒酣時余無以名狀茲亭之勝惟
熟記聯語以當吾之品題可乎已復登舟至北極樓樓結
構踞地最高遠眺佛山青送排闥俯瞰湖水碧繞修廊振

泰山游記

六

衣千仞頓覺滿城風景入我懷抱昔人詠大明湖詩云四
面荷花三面水一城山色半城湖僅一湖也而山而城而
水而荷殆無一不爲人獻其媚者所謂天作而地成之非
耶已復至慧泉寺枕流架屋局勢甚小略一騁目隨即返
舟又東至張勤果公祠公名曜像貌魁梧戰功卓著髮捻
之亂曾帥師往來汝潁間時先君家居倡辦團練以衛桑
梓常帶鄉團助之克復汝南匪巢如閩灣王霍等寨後撫
山東功德在民歿後勅建專祠禮也祠內引水爲池雜植
花木兼建戲樓以爲春秋報賽之所亦盛舉也由此再東

爲李文忠祠公合肥人由名翰林出入將相早歲盪平粵寇暮年議和聯軍功在社稷以一身係天下安危者數十年甲午一役詆謀者衆然老成謀國不求人知而人亦無不諒之所謂鞠躬盡瘁死而後已而成敗利鈍所不計也公歿而繼公起者誰歟所謂伊人在水一方吾得勿溯洄從之耶最後遊城西北隅見洲渚寬平廟貌巋然者是爲鐵公祠公於靖難之役死事最烈迄今數百年讀史者尤復痛心故瞻拜遺像彌令人肅然起敬楹聯云鐵板下山城祗餘蘆荻秋風猶似戰聲聞鼓角銀塘開水府看取荷

泰山游記

七

花曉露最難清氣得乾坤又一聯云盛兵當東南要衝熱血灑燕藩與蹈白刃諸公同完大節使者乃忠貞末裔崇祠祀湖址薦以紅蓮萬柄如見丹心忠烈之節概確乎不拔數語殆能道出古人心事隔壁爲佛公祠亦前清名臣有功於山東者遊歷旣遍兼購墨揚數本遂相與刺棹廻舟夕陽明滅野航容與余三人盱衡古今上下議論情思甚暢而迴顧隣舟或煮茗清談或扣舷高歌或則舉蒲汀畔或則垂釣柳陰遊客如織各適其適一如助余三人之樂也已旣而停橈馬頭呼鵲華居進晚膳鮮魚白蒲菜蔬

亦佳余久已戒酒至此復盡一觴泊回棧已漏下十鐘矣
二十五日早八句鐘二十分乘汽車赴泰安路遇遊泰山
者甚夥有劉君子林者山西人久在東省候補云春月山
花始放正可遊覽惟現值久旱四山霧霾觀日出恐不及
秋時清澈耳過萬安車站云距此數十里有靈巖寺峯巒
幽邃頗饒形勝歷代名人題詩最多以匆遽未獲同遊爲
憾至長清站道傍山麓苦崎嶇行緩甚至此兩面山勢環
抱如入峽中或凸若覆釜或凹若馬鞍或突若饅頭或橫
若虹臥千態萬狀其山脈均由泰山來也幾如山陰道上

泰山游記

八

令人應接不暇矣十二點十分到泰安住金源棧卽有脚
行夫役隨後代僱筍輿按筍輿形如竹兜桿長六尺許穹
其坐處若弓柎置絡兩柎坐之昇夫以韋繫兩把側足橫
行磴上俾乘者無俯仰之勞看山有左右之適世傳泰安
昇夫能力甲於他省非虛語也吾輩上山非此不行以故
索價獨昂經棧主再三磋商議定每人日給銀幣一圓王
黃二君貌清癯三人一乘以余體胖非五人輪班不可姑
允之午膳後各乘筍輿上山路過梳粧樓相傳爲碧霞元
君得道之所須臾至岱宗坊坊在泰山南趾登山者均以

此爲先路之導焉坊東爲酆都廟內祀酆都大帝配以冥
府十王道經云酆都爲陰氣之主又曰十王之中七日秦
山故建廟山麓以崇祀事階下有古柏柏頂植檜一株寄
生也是名飛來柏北上爲玉皇廟上祀玉皇下爲三元洞
凡朝山者均至此拈香頂禮然後上同人來時棧主昇夫
諄囑多購寶錠香楮等物窺其意似以多爲貴必不可少
者同人姑徇其請至是竭誠進謁衆乃悅此故習慣使然
亦入鄉問俗之遺意歟廟內黃楊二株大逾拱把青葱可
愛道人啟東廂一小門內爲孫真人坐像真人係直隸阜

泰山游記

九

城籍康熙二十四年涅槃於茲周身骷髏手足完好依然
端坐蒲團惟面目槩成金像以壯觀瞻真人其有道者歟
胡以血肉之軀乃能歷久不磨如此而世人顧攘攘輓紅
塵中日疲精敝神於得失利害之途以戕其生而亡其身
亦獨何哉由玉皇閣北上里許爲王母池圖志一名瑤池
又曰虬在灣道里記云在白鶴泉東北飛虬嶺下水經注
謂古者帝王升封咸憩此水上俯視淵中鉅石礮礪蒼間
驟雨盛漲似挾山水以俱下者今則溪澗不毛矣豈泰山
之雲竟不能爲崇朝雨乎西北爲王母殿殿東跨澗爲王

母樓後殿有八仙像塑畫精緻面目如生他處所僅見也
前院爲放生池階下有洞內鑄宋皇祐五年碑記山東爲
爭青島事學潮未息是日女校學生多半放假來遊國家
內政不修以致外交失敗而裙釵者流至不惜廢學爭之
不亦大可哀乎再北爲山西會館東院漢柏一株唐槐二
株古幹槎枒勢欲擎雲西院馬尾松一童童如蓋枝腕垂
地盆內子午蓮正放花白而小朶如碧桃蕊紅黃色一日
夜開合兩次比之合歡知時芙蓉三變化工造物之奇有
如此者已至道院茶話並詢前途各形勝坐少時遂行頃

泰山游記

十

之遙望丹崖壁立昇夫指曰此一天門也題瞻巖初步四
字北上一坊題曰孔子登臨處廟額曰紅門宮卽元君廟
也對面爲飛雲閣且止亭更衣亭自此北望南天門惟見
一線鳥道直插天外隱約中石稜齒齒階級略可辨認心
搖目眩者久之幾疑爲蓬島仙境可望而不可卽矣再北
爲萬仙樓額題仙骨風流北面額曰謝恩處以清高宗東
巡登岱令群臣自此折回衆因謝恩得名萬仙樓東北爲
桃源峪一曰桃花澗泉水凝碧夾岸多朱櫻棗竹每逢二
三月間桃花爭發穠艷奪目古詩云冉冉孤生竹結根秦

山阿竹之可見者今惟此處與普照嶽東北竹子園耳固知古人雖託興諷詠字字要必有來歷也有頃至斗母宮此處距岱宗坊十五里卽古龍泉觀明嘉靖二十一年德藩重建清光緒季年廟漸廢弛住持法霖字雨軒者募捐重修頓復舊觀寺內設有行廚飲饌清潔登山者多在此處膳宿時已六鐘同人遂借宿焉法霖命其徒洒掃羈雲樓爲居停之所茲樓爲趙君爾萃捐貲所修工未竣遽捐館舍故名曰羈雲以作紀念羈雲蓋趙君字也院中有天然池雜蒔花木清雅宜人比丘尼四五人招待殷勤晚飯

泰山游記

十一

烹調適宜不圖山中市遠得此兼味惟是夜大風樓踞山巔綠樹還繞軒開四面風彭彭吹擊窗紙作聲大有山雨欲來風滿樓之勢余與哲甫皆遷牀避之幾於不遑安枕者嚮晨乃已

二十六日早餐後仍同上山過高老橋見石壁間鐫有我亦登臨漸入佳境八字蓋山勢至此稍覺高峻矣逾砲高嶺有宋陳國瑞題石經峪字問知距此迤東里許山麓忽開異境中有古刻隸書金剛經甚佳卽欲往觀衆云日已嚮午距岱頂尙遠未便繞道遂徑直北上仰見峭壁千仞